



## **Universitätsbibliothek Paderborn**

**S. Avrel. Avgvstini Confessionvm Libri X**

**Augustinus, Aurelius**

**Coloniae, 1646**

Cap. III. Se in templo quoque negotium libidinis procurasse, in schola autem Rhetoris superbiisse, calumnias tamen eversorum odisse.

**urn:nbn:de:hbz:466:1-10120**

70 S. AVR. AVGVST. CONFES.

- b Nonnullus itaque dolor approbandus, nullus amandus est) Ostendit etiam vera misericordia, non amari dolorem, tum quia mallet non esse alienam miseriam, de qua dolet, tum quia Deus miseretur absque ullo dolore, sola simplici displicantia alieni mali. Cum autem S. D. negat esse amandum dolorem miserentis, etsi sit approbandus: solum significat dolorem, ut est malum naturæ dissentaneum, nihil habere intrinsece, unde ameritur. Nonvero negat eum, ut suscipitur interitione caritatis, posse amari. Si enim potest approbari, bonus est: si bonus, potest amari: ergo si approbandus, est etiam amandus, non propter se, sed proximum. Quo pacto SS. Martyres amant mortem, & tormenta propter Deum.
- c Dolere amabam) dolorem falsum, qui dum actorum peritia, nativaque repræsentatione augebatur, augebat impuros animi ardores. Non aliter itaque Aug. amabat & quererebat dolorem in fædis spectaculis, quam scabiosus unguis scalpentium: ut modico dolore dulciorum sentiat carnis pruritum.

V S V S.

Docet S. D. detestari turpia spectacula, quæ nihil aliud sunt, quam fomites libidinis, vel luscitandæ, vel alendæ.

C A P. III.

Se in templo quoque negotium libidinis procurasse, in schola autem Rhetoris superbiisse, calumnias tamen eversorum odisse.

i. E T circumvolabat super me fidelis à longe misericordia tua. In quantas iniuriantes distabui, & sacrilegam curiositatem secutus sum, ut deserente te, deduceret me ad ima infida, & circumventoria obsequia dæmoniorum; a quibus immo-  
labam

labam facta mea mala , & in omnibus flagellabas me. Ausus sum etiam in celebri-  
tate solennitatum tuarum , intra parietes ecclesiae tuae concupiscere : & agere ne-  
gotium procurandi fructus mortis. Vnde  
me verberasti gravibus poenis. Sed nihil  
ad culpam meam , ô tu pregiandis miseri-  
cordia mea ! Deus meus , refugium meum  
à terribilibus nocentibus : in quibus vag-  
tus sum præfidenti collo , à longe receden-  
do à te, amans vias meas , & non tuas, amans  
fugitivam libertatem.

2. Habebant & illa studia , quæ hone-  
sta vocabantur , ductum suum , intuen-  
tem fora litigiosa , ut excellerem in eis :  
eo laudabilior , quo fraudulentior. Tan-  
ta est cæcitas hominum , de cæcitate etiam  
gloriantium. Et major jam eram in scho-  
la rhetoris , & gaudebam superbe , & bari-  
mebam typho , quamquam longe seda-  
tior , Domine tu scis : & remotus omni-  
no ab eversionibus , c quas faciebant ever-  
sores ( hoc enim nomen sævum & diabo-  
licum , velut insigne urbanitatis est) inter  
quos vivebam pudore impudenti , quia ta-  
lis non eram. Et cum eis eram , & amici-  
tiis eorum delectabar aliquando , à quo-  
rum semper factis abhorrebam : hoc est,  
ab eversionibus , quibus proterve insecta-  
bantur ignotorum verecundiam , quam per-  
turbarent gratis illudendo , atque inde pa-  
scendo malevolas lætitias suas. Nihil est illo  
actu similius actibus dæmoniorum. Quid  
itaque verius , quam eversores vocarentur ?  
Eversi plane prius ipsi atque perversi , deri-  
dentibus eos , & seducientibus fallacibus oc-

cul-

culte spiritibus, in eo ipso, quod alios irridere amant & fallere.

## N O T A E.

- I.I.C.17.  
Psal. 49.  
23.
- Instit. I.
- a Quibus immolabam facta mea) sæpius S.D. opera humana per modum sacrificii explicat, sive in obsequium Dei, sive Dæmonis fiant. Sic supra dicebat non uno modo sacrificari transgressoribus Angelis, sic S. David: *Sacrificium laudis honorificabit me.*
  - b Tumebam typho) familiaris vox hæc est S. D. quatumore & fastum superbientis animi denotat; græce enim τύφος fumum, cui superbia similia est, item tumorem significat, & τυφόμενος idem est, quod inaniter jacto, superbio, tumor meo.
  - c Quas faciebant eversores) dubium est, quos S.D. eversores intelligat; Caius Iurisconsultus eversores appellat prodigos & dissolutos, qui patrimonium profundunt, & toto vite tempore sub curatore sunt, non minus, quam insani. Mihi S. D. eversores disciplinæ scholasticæ, & lanniones passim quosvis calumniis incessentes, videtur intelligere: hoc enim verba satis insinuant, dum ait eos insectatos ignororum verecundiam.

## V S V S.

- 1. Adverte, quomodo adolescens refractis semel timoris divini, & castitatis repugulis, omnia in pestem vertat: adeo ut in templo quoque, ubi negotium salutis curare deberet, exitium lascivo aspectu ac nutu sibi procuret.
- 2. Iuvenem libidini deditum, nihil cælestis & æternum, sed vana solum ac caduca meditari, ut Augustinus inanem gloriam.

## C A P.